



Arkivnr: 2016/4130-33

Saksbehandlar: Odd Bjarne Berdal

Saksframlegg

Saksgang

Utval	Saknr.	Møtedato
Yrkesopplæringsnemnda		29.08.2017
Utval for opplæring og helse		05.09.2017
Fylkesutvalet		20.09.2017
Fylkestinget		03.10.2017

Oppdragsspesifikasjon – Pilotmodell for opplærings samarbeid skule/næringsliv Bømlo

Samandrag

Med bakgrunn i fylkestingsvedtak (FT okt. 2016, sak 72/16 og FT des. 2016, sak 91/16) har fylkesrådmannen starta opp arbeidet med å utvikle ein pilotmodell for yrkesfagleg opplæring i samarbeid mellom skule og næringsliv på Bømlo. Det har sidan januar 2017 vore gjennomført tre møte med representantar frå opplæringsavdelinga, skulane på Bømlo, næringslivet på Bømlo, Bømlo kommune og Opplæringskontoret for mekaniske fag og elektrofag, Bømlo. Partane har i denne prosessen kome fram til ein oppdragsspesifikasjon som felles grunnlag for det vidare arbeidet med utvikling av ein pilotmodell.

Forslag til innstilling

Fylkestinget tek oppdragsspesifikasjon til etterretning og legg denne til grunn for det vidare arbeidet med å utvikle ein pilotmodell.

Rune Haugsdal
fylkesrådmann

Svein Leidulf Heggheim
fylkesdirektør

Saksframlegget er godkjent elektronisk og har derfor inga underskrift.

Fylkesrådmannen, 14.08.2017

Oppdragsspesifikasjon - Pilot Bømlo

Oppdragsgjevar: Fylkesdirektør opplæring Svein Leidulf Heggheim på vegne av Fylkestinget.

Bakgrunn og formål for prosjektet

Fylkestinget fatta følgjande vedtak (FT okt. 2016, sak 72/16):

«Rubbestadnes og Bømlo vgs vert slått saman til ein skule og skal heita Bømlo vgs, den nye skulen vert lokalisert på Bremnes.

Det vert utgreidd eit pilotprosjekt ved skolen som skal styrkja samarbeidet mellom næringsliv og skule slik at m.a opplæring som krev kostbare investeringar i verkstarar og bygg innan yrkesdag (TIP), kan gjennomførast ute i bedrift. Kommune og næringsliv vert invitert med i denne prosessen.

Dimensjonering og studietilbod ved den nye skulen skal sikra eit fullverdig tilbod i høve til det ein har i dag og sjåast i samanheng med det øvrige tilbodet i regionen. Det skal vera tilbod innan yrkesfaga TIP og EL på skolen. På sikt skal ein vurdere nytt utdanningstilbod innan havbruk.»

I tillegg var det under budsjetthandsaminga i fylkestinget (FT des. 2016, sak 91/16) fatta slikt vedtak:

«Arbeidet med pilotprosjektet på Bømlo skal starta opp like over nyttår. Målet er ei vidaregåande opplæring basert på tett samarbeid mellom skule og arbeidsliv. Det skal utarbeidast eit mandat som er tydeleg på eit utviklingsdyktig studietilbod. Rammer for mandatet bør m.a. ta omsyn til at arbeidslivets behov og moglegheiter for bistand til opplæring vil variere. Det skal etablerast ei prosjektgruppe i tett samarbeid med, og med representantar for, skule, kommune og næringsliv. Dette arbeidet skal vera starta opp innan januar 2017, og forslag til innhald i, og gjennomføring av prosjektet skal vera klart innan utgangen av juni. Kostnadane knytt til pilotprosjektet vert dekkja over opplæringsavdelinga sitt budsjett.»

Definisjon av oppdrag:

«Nye» Bømlo vgs skal i samarbeid med lokalt næringsliv utdanne kompetente fagarbeidarar.

1. Pilotprosjektet si oppgåve er å utvikle, prøve ut og evaluere ein opplæringsmodell innan yrkesfag der elevane i større grad får opplæring i bedrift gjennom integrert praksisopplæring. Vekslingsmodellen kan vere ein viktig referanse for utviklinga av studiemodellen.
2. Opplæringsmodellen må vere slik at den med enkle grep kan tilpassast fleire utdanningsprogram, også studieførebuande utdanningsprogram. Modellen skal bidra til å sikre rett fagkompetanse tilpassa lokalt og regionalt næringsliv.
3. Det skal vurderast om det er tenleg å knytte forskning og ekstern finansiering til pilotprosjektet.

Effektmål

1. «Nye» Bømlo vgs skal i samarbeid med lokalt næringsliv utdanne kompetente fagarbeidarar.
2. Modellen skal sikre høg kvalitet i opplæringa og bidra til lågt fråfall og høgt læringsutbytte.
3. Modellen skal ha overføringsverdi til andre utdanningsprogram både lokalt og nasjonalt.
4. Det skal utarbeidast evalueringskriterium i utviklingsfasen som skal leggest til grunn i vurderinga av modellen.

Modellen skal mellom anna vurderast med tanke på :

- At den følgjer alle krav som vert stilt i lov, forskrift og læreplan samt dei krav som vert stilt i lovverk til dei involverte samarbeidsbedriftene.
- At den sikrar at samarbeidsbedrifter følgjer alle lovkrav som vert stilt ei opplæringsbedrift.
- At den er arealeffektiv – gjev god utnytting av verkstadareal og ressursar i skule og næringsliv.

Tentative tids- og kostnadsrammer

Prosjektet vil ha tre hovudfasar:

1. Planleggingsfase 2017: Oppdragsspesifikasjon vert lagt fram til politisk handsaming oktober 2017.
2. Utviklingsfase hausten 2017 til våren 2019: Ferdig prosjektplan til politisk handsaming mars - 2018. Utvikling av økonomiske rammer og formelle avtalar for opplæringsmodell i perioden vår 2018 til vår 2019.
3. Iverksettingsfase hausten 2019 til våren 2023: Utprøving og evaluering av modellen.

Planleggingsfasen krev sakshandsamarressursar ved opplæringsavdelinga. I tillegg vil det vere trong for deltaking frå næringslivet på Bømlo, Bømlo kommune og dei vidaregåande skulane i kommunen.

Utviklingsfasen vil krevje prosjektleiarressurs samt at det vil vere trong for ressursar med kompetanse innan yrkesfaga. Det er naturleg at prosjektleiar er knytt til opplæringsavdelinga. Den yrkesfaglege kompetansen må hentast frå skule og næringsliv.

Prosjektleiarstillinga vert anslått til om lag 20% første året i utviklingsfasen; det same vil gjelde for yrkesfagkompetansen. I tillegg kjem det reisekostnader og kostnader til prosjektsamlingar og møteverksemd.

Stipulerte kostnader haust 2017 – vår 2019

	2017		2018		2019		
Prosjektleiar	kr	75 000	kr	150 000	kr	75 000	
Fagressurs skule	kr	75 000	kr	150 000	kr	75 000	
Fagressurs næringsliv	kr	-	kr	150 000	kr	75 000	
Prosjektsamlingar	kr	25 000	kr	50 000	kr	25 000	
Sum	kr	175 000	kr	500 000	kr	250 000	kr 925 000

Ressurstrong og kostnader vidare i iverksettingsfasen må ein kome attende til i løpet av utviklingsfasen.

Organisering av prosjektet

Planleggingsfasen – vår/haust 2017

I planleggingsfasen nyttar ein ressursar ved opplæringsavdelinga til utarbeiding av prosjektplan. I tillegg vil det vere trong for deltaking frå næringslivet på Bømlo, Bømlo kommune og dei vidaregåande skulane i kommunen.

Utviklingsfasen hausten 2017-våren 2019:

Det må etablerast ein prosjektorganisasjon med prosjektgruppe og styringsgruppe. Prosjektgruppa skal rapportere til Styringsgruppa (SG). SG skal ha eitt til to møte kvart halvår. Det er styringsgruppa som tek avgjerd i prosjektet. Prosjektleiar (PL) og leiar av styringsgruppa (SL) er ansvarleg for å kalle inn til møte i SG.

Iverksettingsfasen våren 2019- 2023:

Iverksettingsfasen er innfasing av modellen på skulen. Studiemodellen skal vere etablert og i ordinær drift frå 2023. Ytterlegare utgreiing av iverksettingsfasen må ein kome attende til.

Det vidare arbeidet er planlagt med følgjande organisering og representasjon (der dette er avklart):

Styringsgruppe (SG):

Fylkesdirektør opplæring	Svein Leidulf Heggheim (SL)
Regionleiar	Sissel Øverdal
Rektor Rubbestadnes vgs	Rune Gåsland
Vice pres. HR& Org. development Eidesvik AS	Erling Lodden
Kommunalsjef Bømlo kommune	Bjørn Håvard Bjørklund

Prosjektgruppe (PG):

Prosjektleiar	
Yrkeskompetanse Rubbestadneset vgs	
Yrkeskompetanse næringsliv	
Rektor Bømlo vgs	Asbjørn Mæland
Opplæringskontoret	Paul Engeseth
Representant for tilsette – Utdanningsforbundet	Tor Gunnar Halleraker